

Albert Ajnštajn o porezu:

“Svaki odlazak u operu podsjeti me na moju poresku prijavu. Napisana je jezikom kojeg ne razumijem i kao i opera završava tragično.”

Veliki Albert Ajnštajn dao je ovu definiciju kakvu bi mogao dati svaki građanin na ovoj planeti. Poreske stvari i poreski poslovi su jednostavni za one koji ih razumiju, a čine se komplikovani i nerazumljivi za većinu ljudi. Svrha ovih predavanja je učiniti poreske poslove jednostavnim, kakvi oni u stvari jesu.

Francuski državnik Jean-Bapiste Colbert jednom je izjavio: “Umjetnost oporezivanja je umjetnost čerupanja guske tako da se od nje dobije maksimalna količina perja uz što manje gaktanja.”

Imajući u vidu tu izjavu lako je razumjeti Ajnštajna, koji je svoju definiciju dao ne sa pozicije velikog naučnika, već sa pozicije – guske.

Začetnik moderne teorije poreza je Adam Smith koji je 1779. godine definisao nekoliko poreskih principa:

- Svaki građanin dužan je državi plaćati porez i to prema svojim ekonomskim mogućnostima.
- Obaveza plaćanja poreza treba biti regulisana zakonom, porez ne smije biti proizvoljan.
- Porez se naplaćuje onda kada je to za poreskog obveznika najpovoljnije.
- Troškovi ubiranja poreza trebaju biti što niži kako bi teret poreskim obveznicima bio što podnošljiviji, a prihod države što veći.